

Na osnovu člana 27.stav 2. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22), člana 104. stav 1. Zakona o zdravstvenom osiguranju („Službene novine Federacije Bosne i Hercegovine“, br. 30/97, 07/02, 70/08, 48/11 i 36/18), člana 12. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije Bosne i Hercegovine“, broj: 69/05), Upravni odbor Zavoda zdravstvenog osiguranja i reosiguranja Federacije Bosne i Hercegovine, na nastavku 123. sjednice održane 06.06.2022. godine donosi

O d l u k u

o načinu izvršavanja Rebalansa finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu

I Opće odredbe

Član 1.

Ovom Odlukom se utvrđuje način izvršavanja Rebalansa finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu – izmjene i dopune (u daljem tekstu: Finansijski plan), struktura prihoda i rashoda Finansijskog plana i njihovo izvršavanje, dinamika i prioriteta u plaćanju obaveza, planiranje novčanih tokova i finansijsko izvještavanje.

II Struktura prihoda i rashoda

Član 2.

Finansijski plan Zavoda zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod) se sastoji od plana ukupnih prihoda po izvorima sredstava koje ostvaruje Federalni zavod i iskazanih rashoda po namjenama.

Član 3.

Planirani prihodi Federalnog zavoda po izvorima sredstava ostvarivat će se u skladu sa Zakonom o zdravstvenom osiguranju ("Službene novine Federacije Bosne i Hercegovine ", br. 30/97, 07/02, 70/08 i 48/11), Zakonom o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22), Zakonom o doprinosima („Službene novine Federacije Bosne i Hercegovine“, br. 35/98, 54/00, 16/01, 37/01, 1/02, 17/06,14/08, 91/15, 104/16 i 34/18), Odlukom o utvrđivanju posebnog doprinosa za zdravstvenu zaštitu radnika na privremenom radu u inostranstvu („Službene novine Federacije Bosne i Hercegovine“, broj: 74/08) i drugim propisima koji regulišu ovu oblast, kao i mjerama koje će Federalni zavod poduzimati u okviru svoje nadležnosti, te aktivnostima drugih subjekata koji na direktan ili indirektan način sudjeluju i utječu na ostvarenje prihoda.

Plan prihoda sastoji se od:

- prihoda od doprinosa za obavezno zdravstveno osiguranje utvrđenih Zakonom o doprinosima;
- prihoda od paušalnih naknada za zdravstveno osiguranje ino-osiguranika;
- prihoda od posebnog doprinosa za zdravstvenu zaštitu radnika na privremenom radu u inostranstvu;
- sredstava iz Budžeta Federacije Bosne i Hercegovine;
- prihoda od inostranih vlada i međunarodnih organizacija;
- prihoda od donacija i
- ostalih prihoda.

Donacije koje nisu planirane u Finansijskom planu, a ostvare se u toku fiskalne godine raspoređivat će se, do visine uplaćenih sredstava, u skladu sa namjenama za koje budu doznačene.

Član 4.

Plan rashoda se sastoji od:

- rashoda za finansiranje programa zdravstvene zaštite koji se finansira sredstvima federalnog fonda solidarnosti, a koji obuhvata pružanje zdravstvenih usluga u zdravstvenim ustanovama u Federaciji Bosne i Hercegovine i u zdravstvenim ustanovama u inostranstvu za oboljenja utvrđena Pravilnikom o uvjetima i postupku upućivanja osiguranih lica za liječenje u inostranstvo („Službene novine Federacije Bosne i Hercegovine“, br. 93/13 i 102/15), te nabavku lijekova i medicinskog materijala;
- rashoda za zdravstvenu zaštitu detaširanih radnika;
- rashoda za finansiranje plaća (neto plaće sa pripadajućim porezima i doprinosima) i ostalih prava iz radnog odnosa uposlenika Federalnog zavoda, te materijalnih i ostalih troškova Stručne službe Federalnog zavoda;
- kapitalnih izdataka Stručne službe;
- rashoda po odlukama Upravnog odbora.

Plan rashoda federalnog fonda solidarnosti se sastoji od plana rashoda za namjene koje su određene zakonskim propisima, a raspoređuju se po programima zdravstvene zaštite koji se finansiraju sredstvima federalnog fonda solidarnosti u Bosni i Hercegovini i u inostranstvu.

III Fiskalna odgovornost

Član 5.

Finansijsko upravljanje i kontrola će se uspostaviti u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine („Službene novine Federacije Bosne i Hercegovine“, broj: 38/16), a na osnovu podzakonskih akata koje donosi Federalno ministarstvo finansija.

Član 6.

Direktorica Federalnog zavoda će dostaviti Izjavu o fiskalnoj odgovornosti do 15. marta 2023. godine za prethodnu godinu nadležnim ministarstvima u skladu sa

Pravilnikom o obliku, sadržaju, načinu popunjavanja i predaji izjave o fiskalnoj odgovornosti.

IV Korištenje sredstava

Član 7.

Finansijski plan je uravnotežen tako da ukupni prihodi i primici pokrivaju ukupne rashode i izdatke. Prihodi i primici služe za podmirivanje rashoda i izdataka, osim ako ovom Odlukom nije drugačije propisano.

Sredstva odobrena u Finansijskom planu se mogu koristiti samo za namjene i do visine koje su određene Finansijskim planom.

V Izvršavanje Finansijskog plana

Član 8.

Sredstva od doprinosa za obavezno zdravstveno osiguranje, kao i druga sredstva koja imaju karakter javnih prihoda i primitaka, se uplaćuju na depozitni račun, te se iskazuju po izvorima iz kojih potiču. Sva sredstva sa depozitnog računa na kraju dana se prebacuju na transakcijske račune.

Odabir banke za otvaranje računa vrši se u skladu sa propisima kojima se uređuju javne nabavke.

Član 9.

Finansiranje programa zdravstvene zaštite na teret planiranih rashoda federalnog fonda solidarnosti vršit će se u skladu sa Finansijskim planom i Programom zdravstvene zaštite koji se finansira sredstvima federalnog fonda solidarnosti, a koji obuhvata pružanje zdravstvenih usluga i nabavku lijekova i medicinskog materijala.

Finansiranje pružanja zdravstvenih usluga u zdravstvenim ustanovama u Federaciji Bosne i Hercegovine vršit će se na osnovu zaključenih ugovora između Federalnog zavoda i zdravstvenih ustanova nakon provedenih postupaka saglasno Zakonu o javnim nabavkama („Službeni glasnik Bosne i Hercegovine”, broj: 39/14) i to do visine ugovorenog obima i vrijednosti ugovorenih usluga.

Finansiranje nabavke lijekova će se vršiti na osnovu zaključenih ugovora sa odabranim dobavljačima, nakon provedenog postupka javne nabavke u skladu sa Zakonom o javnim nabavkama. Nabavka lijekova će se vršiti najviše do iznosa sredstava planiranih Finansijskim planom i Planom javnih nabavki, za 2022. godinu.

Finansiranje liječenja u inostranstvu vršit će se na osnovu zaključenih ugovora sa zdravstvenim ustanovama u inostranstvu, međunarodnim sporazumima o socijalnom osiguranju, a u skladu sa Pravilnikom o uslovima i postupku upućivanja osiguranih lica na liječenje u inostranstvo. Upućivanje na liječenje u inostranstvo će se vršiti do visine sredstava odobrenih Finansijskim planom za 2022. godinu.

Troškovi zdravstvene zaštite detaširanih radnika finansirat će se namjenskim sredstvima, a plaćanje će se vršiti po ispostavljenim fakturama od inostranih nosilaca zdravstvenog osiguranja.

Član 10.

Izdaci za plaće i naknade troškova zaposlenih u Stručnoj službi Federalnog zavoda će se izvršavati u skladu sa Pravilnikom o radu i drugim općim aktima Federalnog zavoda kao i propisima, koji regulišu ovu oblast, a najviše do visine utvrđene Finansijskim planom za 2022. godinu.

Izdaci za materijalne troškove i usluge Stručne službe Zavoda će se izvršavati u skladu sa općim aktima Federalnog zavoda, do visine utvrđene Finansijskim planom za 2022. godinu.

Izdaci za kapitalne izdatke će se izvršavati u skladu sa Planom javnih nabavki za 2022. godinu, do visine planiranih sredstava.

Član 11.

U slučaju potrebe, u toku fiskalne godine, na prijedlog direktorice, Upravni odbor Federalnog zavoda, uz prethodnu saglasnost Federalnog ministarstva zdravstva, može donijeti Odluku o preraspodjeli rashoda u okviru ukupno odobrenog iznosa Finansijskim planom, a najviše do 10% ukupno odobrenih rashoda.

Odluku iz prethodnog stava Upravni odbor Federalnog zavoda može donositi i više puta u toku 2022. godine, a najviše jednom kvartalno.

Preraspodjela sredstava u okviru ukupno odobrenih sredstava Finansijskim planom, vršit će se na osnovu izvještaja o izvršenju rashoda planiranih Finansijskim planom za federalni fonda solidarnosti, zdravstvenu zaštitu detaširanih radnika i Stručnu službu.

Izvršavanje programa federalnog fonda solidarnosti po pitanju pružanja usluga u zdravstvenim ustanovama u zemlji i inostranstvu, potrebe za nabavkom lijekova uvjetovane su incidencom, brojem oboljelih pacijenata, brojem pacijenata na listama čekanja za zdravstvene usluge i lijekove, zbog čega se mogu očekivati odstupanja u odnosu na planirani sadržaj i obim zdravstvenih usluga i količine potrebnih lijekova, te time i nužnost preraspodjele u okviru pojedinih pozicija rashoda.

Izuzetno od stava 1. ovog člana, Upravni odbor, na prijedlog direktorice Federalnog zavoda, može donijeti Odluku o preraspodjeli planiranih sredstava u okviru iste grupe rashoda - konta više puta, kada je neophodno osigurati kontinuitet u izvršenju Programa federalnog fonda solidarnosti.

Odluku o preraspodjeli sredstava u okviru ovih pozicija na prijedlog direktorice Federalnog zavoda, donosi Upravni odbor.

Član 12.

Sredstva tekuće rezerve, planirana u Finansijskom planu, koristit će se za nepredviđene namjene, za koje u Finansijskom planu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju i izradi Finansijskog plana nije bilo moguće predvidjeti.

Izdvajanja za tekuću rezervu ne smiju preći 3% planiranih prihoda.

Član 13.

Korištenje sredstava tekuće rezerve odobrava Upravni odbor Federalnog zavoda na prijedlog direktorice.

Izveštaji o utrošku finansijskih sredstava iz tekuće rezerve podnose se Upravnom odboru kvartalno u skladu sa Pravilnikom o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije Bosne i Hercegovine“, br. 69/14, 14/15, 4/16, 19/18 i 3/21).

Član 14.

Godišnjim i kvartalnim planovima novčanih tokova, iskazanih po mjesecima, predviđa se priliv i odliv sredstava na depozitnom računu Federalnog zavoda. Planovi novčanih tokova predstavljaju osnovu za izvršavanje Finansijskog plana.

Član 15.

Direktorica Federalnog zavoda je odgovorna za upravljanje prihodima i rashodima Federalnog zavoda.

Član 16.

Upravni odbor Federalnog zavoda ima odgovornost da prati i održi ravnotežu ostvarenih prihoda i rashoda u skladu sa Finansijskim planom.

VI Dinamika plaćanja i prioriteta

Član 17.

Finansijski plan će se izvršavati po slijedećim prioritetima.

1. Izvršenje zdravstvenih usluga utvrđenih u programu zdravstvene zaštite u zemlji i inostranstvu u okviru federalnog fonda solidarnosti i zdravstvene zaštite detaširanih radnika,
2. Izdaci za nabavku lijekova i potrošnog medicinskog materijala,
3. Plaće, doprinosi, porezi i naknade zaposlenih,
4. Naknade članovima Upravnog odbora i stručnim komisijama,
5. Materijalni troškovi za Stručnu službu,
6. Kapitalni izdaci i
7. Ostali troškovi i izdaci.

VII Načelo modificiranog nastanka događaja

Član 18.

Priznavanje prihoda i primitaka, te rashoda i izdataka putem sistema glavne knjige provodi se po načelu modificiranog nastanka događaja. Prihodi i primici priznaju se u

onom periodu kada su mjerljivi i raspoloživi, tj. kada su uplaćeni na račun, a rashodi i izdaci priznaju se u onom periodu kada je obaveza za plaćanje nastala.

VIII Interna kontrola i interna revizija

Član 19.

Praćenje i ocjenjivanje sistema interne kontrole vrši interna revizija u skladu sa propisima i standardima koji regulišu oblast interne revizije.

IX Finansijsko izvještavanje

Član 20.

Federalni zavod će vršiti finansijsko izvještavanje u skladu sa odredbama i rokovima utvrđenim Pravilnikom o finansijskom izvještavanju i Godišnjem obračunu budžeta u Federaciji Bosne i Hercegovine („Službene novine Federacije Bosne i Hercegovine“, br. 69/14, 14/15, 4/16, 19/18, 99/19 i 3/21).

Izvještaje iz stava 1. ovog člana, Federalni zavod će podnositi na propisanim obrascima.

Federalni zavod će, pored izvještaja iz prethodnog stava, podnositi Federalnom ministarstvu zdravstva kvartalne izvještaje o utrošenim sredstvima namjenskih transfera iz Budžeta Federacije Bosne i Hercegovine.

Stručna služba Federalnog zavoda će podnijeti Upravnom odboru Federalnog zavoda polugodišnji izvještaj o izvršenju Finansijskog plana sa detaljnim obrazloženjima o ostvarenim prihodima i rashodima, provođenju programa federalnog fonda solidarnosti, sa prijedlozima mjera u cilju uravnoteženja ostvarenih prihoda i izvršenih rashoda.

Stručna služba Federalnog zavoda će podnijeti Upravnom odboru Federalnog zavoda godišnji obračun i izvještaj o izvršenju Finansijskog plana sa detaljnim obrazloženjima prije roka za dostavu istog nadležnim institucijama (Vladi i Parlamentu Federacije Bosne i Hercegovine), na usvajanje.

Stručna služba će sačinjavati mjesečne informacije o izvršenom obimu i vrijednosti ugovorenih usluga, iskazanim troškovima za lijekove i medicinski materijal, sa iskazanim odstupanjima izvršenja u odnosu na plan i dostavljati ih direktorici Federalnog zavoda radi poduzimanja mjera na usklađivanju ostvarenja u odnosu na Finansijski plan, a u slučaju značajnijih odstupanja direktorica je u obavezi izvjestiti Upravni odbor.

X Završne odredbe

Član 21.

Na sva pitanja koja nisu regulisana ovom Odlukom, primjenjivat će se odredbe važećih zakona i drugih propisa.

Član 22.

Stupanjem na snagu Odluke o davanju saglasnosti od Parlamenta Federacije Bosne i Hercegovine, na snagu stupa i ova odluka.

Broj: 02/V-01-1-2207-1/22

Sarajevo, 06.06.2022. godine



Predsjednica Upravnog odbora
Snježana Bodnaruk, dipl.iur.

Obrazloženje Rebalansa finansijskog plana (izmjene i dopune)

I-Pravni osnov

Pravni osnov za donošenje ove Odluke sadržan je u odredbi člana 27. stav 2. Zakona o budžetima u Federaciji Bosne i Hercegovine po kojoj finansijski plan vanbudžetskog fonda sa odlukom o izvršavanju finansijskog plana donosi nadležni organ utvrđen zakonom, odnosno aktom tog fonda na način predviđen tim propisima i pod uvjetima određenim ovim zakonom.

Također, u odredbi člana 104. stav 1. Zakona o zdravstvenom osiguranju i odredbi člana 12. Statuta Zavoda zdravstvenog osiguranja i reosiguranja Federacije Bosne i Hercegovine propisano je da Upravni odbor Zavoda zdravstvenog osiguranja i reosiguranja Federacije Bosne i Hercegovine odlučuje o određenim pitanjima i donosi akte saglasno svojim nadležnostima.

II- Razlozi donošenja

Razlozi za donošenje Odluke su da se definiše operativan pristup izvršavanja Rebalansa finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu – izmjene i dopune (u daljem tekstu: Finansijski plan), iskaže struktura prihoda i rashoda i njihova realizacija, dinamika i prioriteti u plaćanju obaveza, planiranje novčanih tokova i finansijsko izvještavanje, a sve u cilju potpunih ostvarivanja ciljeva Zavoda zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod) uz postizanje potrebnih sredstava za to (prihodi) kao i ekonomičnog postupanja kod rashoda putem kontrolnih aktivnosti na način da bi se postigao pozitivan finansijski rezultat i blagovremeno izmirile sve stvorene obaveze prema povjericima.

III- Obrazloženje pravnih rješenja

U tački I ove Odluke - Opće odredbe, u članu 1., precizirano je da se ovom Odlukom utvrđuje način izvršavanja Finansijskog plana, kao i struktura prihoda i rashoda Finansijskog plana i njihovo izvršavanje, dinamika i prioriteti u plaćanju obaveza, planiranje novčanih tokova i finansijsko izvještavanje.

U tački II ove Odluke - Struktura prihoda i rashoda u članovima od 2.do 4., precizirano je da se Finansijski plan sastoji od plana ukupnih prihoda po izvorima sredstava koje ostvaruje Federalni zavod i rashoda koji uključuju rashode federalnog fonda solidarnosti, rashode za zdravstvenu zaštitu detaširanih radnika i rashode i kapitalne izdatke Stručne službe, te je precizirano od čega se sastoje ovi planovi, u skladu sa kojim propisima će se ostvarivati. Također je precizirano od čega se sastoji plan prihoda i da će se donacije namjenski raspoređivati, a precizirano je i od čega se sastoji plan rashoda.

U tački III ove Odluke - Fiskalna odgovornost, u članovima 5. i 6., precizirano je da će se finansijsko upravljanje i kontrola uspostaviti u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine, a na osnovu podzakonskih akata koje donosi Federalno ministarstvo finansija.

Takođe je precizirano do kada će direktorica Federalnog zavoda dostaviti Izjavu o fiskalnoj odgovornosti nadležnim ministarstvima, u skladu sa propisima.

U tački IV ove Odluke - Korištenje sredstava, u članu 7., precizirano je da Finanasijaki plan mora biti uravnotežen, te da se utvrđena sredstva mogu koristiti samo za namjene i do visine utvrđene Finansijskim planom.

U tački V ove Odluke - Izvršavanje Finansijskog plana, u članovima od 8. do 16., precizirano je da se svi javni prihodi i primici obavezno uplaćuju na depozitni račun, da se iskazuju po izvorima iz kojih potiču, da se sva sredstva na depozitnom računu na kraju dana prebacuje na transakcijske račune, a da se odabir banke za otvaranje računa vrši u skladu sa propisima kojima se uređuju javne nabavke. Precizirano je da će se finansiranje programa zdravstvene zaštite na teret planiranih rashoda federalnog fonda solidarnosti vršiti u skladu sa Finansijskim planom i Programom zdravstvene zaštite koji se finansira sredstvima federalnog fonda solidarnosti, a koji obuhvata pružanje zdravstvenih usluga i nabavku lijekova i medicinskog materijala. Preciziran je način finansiranja pružanja zdravstvenih usluga u zdravstvenim ustanovama u Federaciji Bosne i Hercegovine, način finansiranja nabavke lijekova kao i način finansiranja liječenja u inostranstvu kao i troškova zdravstvene zaštite detaširanih radnika. Pored navedenog preciziran je i način izvršavanja izdataka koji se odnose na izdatke za plaće i naknade troškova zaposlenih, materijalne troškove i usluge Stručne službe, kao i način izvršavanja kapitalnih izdataka. Također, preciziran je način korištenja sredstava iz tekuće rezerve, planiranje novčanih tokova i način preraspodjele rashoda u okviru ukupno odobrenog iznosa rashoda u Finansijskom planu. U okviru ove tačke propisano je da je direktorica Federalnog zavoda odgovorna za upravljanje prihodima i rashodima Federalnog zavoda, a Upravni odbor Federalnog zavoda ima odgovornost da prati i održi ravnotežu ostvarenih prihoda i rashoda u skladu sa Finansijskim planom.

U tački VI ove Odluke - Dinamika plaćanja i prioriteta, u članu 17., precizirano je po kojim će se prioritetima izvršavati Finansijski plan.

U tački VII ove Odluke - Načelo modificiranog nastanka događaja, u članu 18., preciziran je način priznavanja prihoda i primitaka, te rashoda i izdataka putem sistema glavne knjige koji se provodi po načelu modificiranog nastanka događaja.

U tački VIII ove Odluke - Interna kontrola i interna revizija, u članu 19., precizirano je da praćenje i ocjenjivanje sistema interne kontrole vrši interna revizija u skladu sa propisima i standardima koji regulišu oblast interne revizije.

U tački IX ove Odluke - Finansijsko izvještavanje, u članu 20., precizirano je u skladu sa kojim propisima i u kojim rokovima će Federalni zavod vršiti finansijsko izvještavanje, kao i da će se izvještavanje vršiti putem propisanih obrazaca, zatim da podnosi kvartalne izvještaje, na koji način će Stručna služba Federalnog zavoda podnijeti Upravnom odboru Federalnog zavoda polugodišnji izvještaj, na koji način će Stručna služba Federalnog zavoda Upravnom odboru Federalnog zavoda podnijeti godišnji obračun i izvještaj o izvršenju Finansijskog plana te na koji će način, u vezi navedenog, Služba za ekonomiku i planiranje sačinjavati mjesečne informacije i dostavljati ih direktorici Federalnog zavoda.

U tački X ove Odluke - Završne odredbe, u članovima 21. i 22., precizirano je da će se na sva pitanja koja nisu regulisana ovom Odlukom, primjenjivati odredbe važećih zakona i drugih propisa, te da Odluka stupa na snagu naredni dan po dobivanju saglasnosti na Parlamentu Federacije Bosne i Hercegovine.

IV Finansijska sredstva

Za izvršavanje Finansijskog plana, prema ovoj odluci, osigurati će se sredstva od: planiranih prihoda od doprinosa za obavezno zdravstveno osiguranje, budžeta Federacije Bosne i Hercegovine, paušalnih naknada za zdravstveno osiguranje ino-osiguranika, posebnog doprinosa za zdravstvenu zaštitu radnika na privremenom radu u inostranstvu i donacija.

**Zavod zdravstvenog osiguranja
i reosiguranja Federacije
Bosne i Hercegovine
Sarajevo**

Na osnovu člana 104.stav 1., alineja 3. Zakona o zdravstveno osiguranju ("Sl. novine Federacije BiH", br:30/97,07/02 70/08, 48/11 i 36/18), čl. 27.Zakona o budžetima u Federaciji Bosne i Hercegovine, („Sl.novine Federacije BiH“, broj:102/13, 9/14,13/14,8/15, 91/15,102/15 104/16, 5/18, 11/19 i 99/19), člana 29. stav 4.Statuta Zavoda zdravstvenog osiguranja i reosiguranja Federacije Bosne i Hercegovine, („Sl.novine Federacije BiH“, broj:69/05), Upravni odbor Zavoda zdravstvenog osiguranja i reosiguranja Federacije Bosne i Hercegovine, na nastavku 123. sjednice održanom dana, 06.06.2022.godine, donosi:

ODLUKU
o usvajanju Izmjena i dopuna Finansijskog plana Zavoda zdravstvenog osiguranja i reosiguranja Federacije BiH za 2022.godinu, (Rebalans)

I

Usvaja se Izmjena i dopuna Finansijskog plana Zavoda zdravstvenog osiguranja i reosiguranja Federacije BiH za 2022.godinu,(Rebalans).

II

Realizaciju Izmjena i dopuna Finansijskog plana Zavoda zdravstvenog osiguranja i reosiguranja Federacije BiH za 2022.godinu,(Rebalans) pratit će Stručna služba Zavoda zdravstvenog osiguranja i reosiguranja Federacije Bosne i Hercegovine i o tome obavještavati Upravni odbor radi praćenja izvršenja prihoda i rashoda Zavoda zdravstvenog osiguranja i reosiguranja Federacije Bosne i Hercegovine za 2022.godinu.

III

Sastavni dio ove Odluke je izmjenjeni i dopunjeni Finansijski plan Zavoda zdravstvenog osiguranja i reosiguranja Federacije BiH za 2022.godinu, (Rebalans), koji će se primjenjivati nakon donošenja Odluke o davanju saglasnosti od strane Parlamenta Federacije Bosne i Hercegovine.

IV

Ova Odluka stupa na snagu danom donošenja.

Broj:02/IV-01-1-2208-1/22
Sarajevo,06.06.2022.godine



Prešjednik Upravnog odbora
Srđana Bodnaruk, dipl.prav.

**ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE**

**Izmjene i dopune (Rebalans) finansijskog plana
Zavoda zdravstvenog osiguranja i reosiguranja
Federacije Bosne i Hercegovine
za 2022. godinu**

Sarajevo, jun 2022. godine

SADRŽAJ

1. Osnove za donošenje Rebalansa finansijskog plana za 2022. godinu.....	1
2. Sadržaj Rebalansa finansijskog plana za 2022. godinu	1
3. Prihodi.....	1
4. Rashodi.....	3

1. Osnove za donošenje Rebalansa finansijskog plana za 2022. godinu

U skladu sa odredbama Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19, 25a/22) i odredbama člana 104. Zakona o zdravstvenom osiguranju ("Službene novine Federacije Bosne i Hercegovine", broj 30/97, 07/02, 70/08 i 48/11) Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja) je sačinio Prijedlog izmjena i dopuna finansijskog plana Federalnog zavoda osiguranja i reosiguranja - Rebalans za 2022. godinu (u daljem tekstu: Rebalans finansijskog plana).

Ovim Rebalansom finansijskog plana utvrđuju se prihodi po izvorima sredstava i rashodi po namjenama u skladu sa djelatnošću koju obavlja Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod zdravstvenog osiguranja i reosiguranja) odnosno vrše se izmjene planiranih prihoda i rashoda u odnosu na utvrđene Finansijskim planom Federalnog zavoda zdravstvenog osiguranja i reosiguranja za 2022. godinu.

Osnovni razlozi za donošenje Rebalansa finansijskog plana za 2022. godinu su planirano povećanje prihoda od doprinosa za obavezno zdravstveno osiguranje u Federaciji BiH, kao i uvrštavanje viška prihoda nad rashodima iz prethodnog perioda u skladu sa Odlukom o usvajanju Godišnjeg obračuna Zavoda zdravstvenog osiguranja i reosiguranja Federacije Bosne i Hercegovine za 2021. godinu br. 02/V-01-1-702-1/22.

2. Sadržaj Rebalansa finansijskog plana za 2022. godinu

Rebalansom finansijskog plana za 2022. godinu planiraju se ukupni prihodi koje ostvaruje Federalni zavod zdravstvenog osiguranja i reosiguranja, neutrošena sredstva iz ranijih perioda i ukupni rashodi za obavljanje svih funkcija u okviru djelatnosti Federalnog zavoda zdravstvenog osiguranja i reosiguranja.

3. Prihodi

Plan prihoda u Rebalansu Finansijskog plana za 2022. godinu po izvorima sredstava utvrđen je u skladu sa ekonomskom klasifikacijom propisanom od strane Federalnog ministarstva finansija i prikazan je u Tabeli 1 koja slijedi.

Tabela 1

Konto	Stavka	Izvršenje 2021.	Finansijski plan 2022.	Izvršenje I-III 2022.	Rebalans 2022.	Index (5/3)
1	2	3	3	4	5	6
712	Doprinos za socijalnu zaštitu	163.993.997	160.850.000	41.019.751	170.850.000	106
	Prihodi od doprinosa	163.993.997	160.850.000	41.019.751	170.850.000	106
	Prihodi od doprinosa za obavezno zdravstveno osiguranje u FBiH	157.996.702	156.300.000	40.876.238	166.300.000	106

	Prihodi od doprinosa od ino osiguranika (paušali)	5.247.003	3.600.000		3.600.000	100
	Prihodi od dodatnog doprinosa za detaširane radnike	750.292	950.000	143.513	950.000	100
721	Prihodi od poduzetničkih aktivnosti, imovine i pozitivnih kursnih razlika	1.270.794	106.000	161.937	200.000	189
722	Naknade i pristojbe i prihodi od pružanja javnih usluga (naplaćene garancije, ref.bolovanja i ostali nepl.prihodi)	311.324	60.000	29.652	60.000	100
731	Primljeni tekući transferi od međunarodnih organizacija	20.781	90.000		90.000	100
732	Primljeni tekući transferi od ostalih nivoa vlasti	30.628.315	30.500.000		30.500.000	100
	Primljeni tekući transferi od Budžeta FBiH za fond solidarnosti	28.500.000	28.500.000		28.500.000	100
	Primljeni tekući transferi od Budžeta FBiH za liječenje povratnika u RS	2.128.315	2.000.000		2.000.000	100
733	Donacije	150.467			0	
	Ukupno prihodi	196.375.678	191.606.000	41.211.340	201.700.000	105
	Obavezne rezerve za zdravstvenu zaštitu detaširanih radnika		95.000		95.000	100
	Ukupno raspoloživi prihodi	196.375.678	191.511.000	41.211.340	201.605.000	105
	Neurošeni višak prihoda nad rashodima ranijeg perioda za finansiranje usluga i lijekova po Odluci Upravnog odbora	9.281.532			8.500.000	
	UKUPNO RASPOLOŽIVA SREDSTVA ZA LIJEKOVE USLUGE I STRUČNU SLUŽBU	205.657.210	191.511.000	41.211.340	210.105.000	110

Federalni zavod zdravstvenog osiguranja i reosiguranja ostvaruje prihode iz slijedećih izvora:

- doprinosa za obavezno zdravstveno osiguranje,
- dodatnog doprinosa za zdravstvenu zaštitu zaposlenika na radu u inostranstvu (u daljem tekstu: doprinos za detaširane radnike),
- sredstava iz Budžeta Federacije Bosne i Hercegovine,

- prihodi od finansijskih rabata i donacija
- ostalih prihoda.

Ukupno planirani prihodi Federalnog zavoda zdravstvenog osiguranja i reosiguranja po Rebalansu finansijskog plana za 2022. godinu nakon izdvajanja sredstava obavezne rezerve za zdravstvenu zaštitu detaširanih radnika planiraju se u iznosu od 201.605.000 KM.

Ukupni prihodi se povećavaju za 10.094.000 KM u odnosu na planirane po Finansijskom planu za 2022. godinu, i to:

- po osnovu povećanja prihoda od doprinosa iz obaveznog zdravstvenog osiguranja u Federaciji BiH, u iznosu od 10.000.000 KM;
- po osnovu Prihoda od poduzetničkih aktivnosti-finansijski rabati od strane dobavljača lijekova 94.000 KM;

Finansijski plan Federalnog zavoda zdravstvenog osiguranja i reosiguranja donešen je u septembru 2021. godine. Prihodi od doprinosa su planirani na osnovu ostvarenja prihoda u prva tri kvartala 2021. godine. U međuvremenu Vlada Federacije Bosne i Hercegovine je donijela Odluku o povećanju najniže plaće za 33,56% počevši od 1.1.2022. godine što se pozitivno odrazilo na rast prihoda od doprinosa.

U skladu sa navedenim u prvom kvartalu 2022. godine prihodi od doprinosa za obavezno zdravstveno osiguranje u FBiH su bili veći za 6,2% u odnosu na planirane. Procjena je da će do kraja 2022. godine ovi prihodi biti veći za 10 mil. KM u odnosu na planirane.

Povećanje prihoda od poduzetničkih aktivnosti, imovine i pozitivnih kursnih razlika, a što se odnosi na odobrene finansijske rabate dobavljača lijekova je izvršeno za 94.000 KM.

Odlukom o usvajanju Godišnjeg obračuna Zavoda zdravstvenog osiguranja i reosiguranja Federacije Bosne i Hercegovine za 2021. godinu br. 02/V-01-1-702-1/22 od 24.02.2022. godine, utvrđen je neraspoređeni višak prihoda nad rashodima iz prethodnog perioda u iznosu od 8.500.000 KM, te se Finansijski plan za 2022. godinu uvećava ovim Rebalansom za navedeni iznos.

4. Rashodi

Planirani rashodi Federalnog zavoda zdravstvenog osiguranja i reosiguranja su prikazani u skladu sa ekonomskom klasifikacijom propisanom od strane Federalnog ministarstva finansija, a prema funkcijama rashodi se odnose na:

- Rashode federalnog fonda solidarnosti (zdravstvene usluge u Federaciji BiH, lijekovi i potrošni medicinski materijal - potrošni materijal za dijalizu, trakice i aparati za mjerenje šećera kod djece),
- Rashodi Stručne službe Zavoda,
- Rashodi za liječenje u inostranstvu (liječenje u inostranstvu u skladu sa Pravilnikom i zdravstvena zaštita detaširanih radnika),
- Kapitalni izdaci i

- Tekuća rezerva.

Pregled planiranih rashoda po ovom Rebalansu, prema ekonomskoj klasifikaciji prikazan je u Tabeli br. 2 u nastavku.

Tabela 2.

Konto	Stavka	Izvršenje 2021.	Finansijski plan 2022.	Izvršenje I-II 2022.	Rebalans 2022.	Index 5/3
1	2	3	3	4	5	6
	Plate naknade i troškovi zaposlenih	2.323.511	2.603.000	342.955	2.603.000	100
6111	Bruto plaće i naknade plate	2.096.870	2.300.000	315.099	2.300.000	100
6112	Naknade troškova zaposlenih	226.641	303.000	27.857	303.000	100
	Doprinosi poslodavca i ostali doprinosi	218.784	253.000	33.124	253.000	100
6121	Doprinosi poslodavca	218.784	253.000	33.124	253.000	100
	Izdaci za materijal i usluge	203.114.916	187.452.650	32.432.629	204.149.000	109
6131	Putni troškovi	36.100	53.000	1.961	53.000	100
6132	Izdaci za energiju	43.825	50.000	9.968	60.000	120
6133	Izdaci za komunikaciju i komunalne usluge	68.726	80.000	10.685	80.000	100
6134	Nabavka materijala i sitnog inventara	120.409.965	106.883.000	20.143.629	117.913.350	110
	Administrativni materijal	39.978	66.000	7.137	83.350	126
	Medicinski potrošni materijal	18.156.456	18.300.000	2.871.361	18.300.000	100
	Lijekovi	102.213.531	88.517.000	17.265.131	99.530.000	112
6135	Izdaci za usluge prijevoza i gorivo	7.778	12.000	1.102	18.000	150
6137	Izdaci za tekuće održavanje	47.557	70.000	1.595	70.000	100
6138	Izdaci osiguranja, bankarskih usluga i usluga platnog prometa	46.188	209.000	25.385	209.000	100
6139	Ugovorene i druge posebne usluge	82.454.777	80.095.650	12.238.304	85.745.650	107
	Zdravstvene usluge u Federaciji BiH	68.963.419	66.120.000	10.440.559	71.520.000	108
	Usluge liječenja u inostranstvu	11.855.987	12.000.000	1.756.459	12.000.000	100
	Usluge liječenja detaširanih radnika	750.292	826.500	0	826.500	100
	Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja	424.360	250.000	2.491	500.000	200
	Preventivni programi		300.000	0	300.000	
	Ostale usluge za stručnu službu	270.511	324.150	23.610	324.150	100

Ostale usluge za fond solidarnosti	190.208	275.000	15.184	275.000	
UKUPNO TEKUĆI RASHODI	205.657.210	190.308.650	32.808.708	207.005.000	109
Kapitalni izdaci	106.428	102.350	0	100.000	98
UKUPNO TEKUĆI RASHODI I KAPITALNI IZDACI	205.763.638	190.411.000	32.808.708	207.105.000	109
Tekuća rezerva	0	1.100.000	0	3.000.000	273
UKUPNO TEKUĆI RASHODI, KAPITALNI IZDACI I TEKUĆA REZERVA	205.763.638	191.511.000	32.808.708	210.105.000	110

Ukupni tekući rashodi, kapitalni izdaci i tekuća rezerva po Rebalansu finansijskog plana zavoda osiguranja i reosiguranja za 2022. godinu planiraju se u iznosu od 210.105.000 KM i veći su od planiranih za 10% KM.

Rebalansom finansijskog plana za 2022. godinu planirano je povećanje izdataka za materijal i usluge u ukupnom iznosu od 16.696.350 KM i to:

- Povećanje izdataka za energiju u iznosu od 10.000 KM,
- Povećanje izdataka za nabavku materijala i sitnog inventara u iznosu od 11.030.350 KM,
- Povećanje izdataka za gorivo 6.000 KM,
- Povećanje izdataka za ugovorene i druge usluge iznosu od 5.650.000 KM,

Povećanje izdataka za nabavku materijala i sitnog inventara se odnosi na povećanje sredstava za nabavku lijekova i potrošnog medicinskog materijala što je detaljnije obrazloženo u Anex-u 1 - Rebalans rashoda federalnog fonda solidarnosti za 2022. godinu.

Kapitalni izdaci ovim Rebalansom se smanjuju za 2.350 KM.

Rebalansom finansijskog plana za 2022. godinu planirana su sredstva tekuće rezerve u iznosu od 3 mil. KM i ista će se koristiti u skladu sa Odlukom o načinu izvršavanja Rebalansa finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu.

Ostale pozicije rashoda su ostale na nivou planiranih po Finansijskom planu za 2022. godinu.

Detaljnija obrazloženja povećanja i smanjenja rashoda koji se iskazuju u okviru federalnog fonda solidarnosti data su u Rebalansu finansijskog plana federalnog fonda solidarnosti (Anex I).

PRILOZI

Rebalans finansijskog plana federalnog fonda solidarnosti za 2022. godinu (Anex I).

**ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE**

Anex I

**IZMJENE I DOPUNE FINANSIJSKOG PLANA RASHODA
FEDERALNOG FONDA SOLIDARNOSTI ZA 2022
GODINU (REBALANS)**

Sarajevo, juni 2022. godine

Sadržaj

1. Uvod	1
2. Rashodi.....	1
3. Zdravstvene usluge	3
3.1. Troškovi prevoza na dijalizu	3
3.2. Radioterapija kod malignih oboljenja	4
3.3. Kardiologija i kardiohirurgija.....	4
4. Lijekovi i potrošni medicinski materijal	4
4.1. Citostatici	4
4.2. Lijekovi za liječenje multiple skleroze	4
4.3. Lijekove za liječenje upalnih bolesti debelog crijeva (Chronove bolesti i ulceroznog kolitisa).....	4
4.4. Antiretrovirusni lijekovi za liječenje oboljelih od HIV/AIDS	5
5. Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja	5

1. Uvod

Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod zdravstvenog osiguranja i reosiguranja) je saglasno odredbama člana 27. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) i odredbama člana 104. Zakona o zdravstvenom osiguranju, izvršio izmjene i dopune Finansijskog plana federalnog fonda solidarnosti za 2022. godinu (u daljem tekstu: Rebalans finansijskog plana federalnog fonda solidarnosti za 2022. godinu).

Predloženim Rebalansom se vrše izmjene planiranih rashoda Federalnog fonda solidarnosti u odnosu na utvrđene Finansijskim planom za 2022. godinu.

2. Rashodi

Rebalansom Finansijskog plana federalnog fonda solidarnosti za 2022. godinu planira se povećanje ukupnih rashoda za 16.663.000 KM i to:

- Povećanje rashoda za zdravstvene usluge u iznosu od 5.400.000 KM,
- Povećanje rashoda za lijekove i potrošni medicinski materijal u iznosu od 11.013.000 KM,
- Povećanje rashoda sufinansiranja troškova liječenja u iznosu od 250.000 KM.

Pregled planiranih rashoda fonda solidarnosti po Rebalansu finansijskog plana za 2022. godinu prikazan je u Tabeli koja slijedi.

R. br.	RASHODI	Izvršenje 2021.	Finansijski plan 2022.	Izvršenje I-II 2022.	Rebalans 2022.	Ind (6/4)
1	2	3	4	5	6	7
1	ZDRAVSTVENE USLUGE	66.835.104	64.120.000	10.230.003	69.520.000	108
1	Hronična, akutna hemodijaliza i peritonealna dijaliza	6.320.587	7.200.000	955.761	7.200.000	100
2	Prijevoz na hemodijalizu	1.613.560	1.800.000	240.903	2.800.000	156
3	Radioterapija kod malignih oboljenja	6.617.753	7.100.000	1.194.231	7.500.000	106
4	Dijagnostičke pretrage za dijagnosticiranje hepatitisa B i C	127.211	100.000	5.951	100.000	100
5	Ugradnja kohlearnog implantata kod djece	106.981	200.000	20.000	200.000	100
6	Humana reprodukcija lica sa invaliditetom	0	20.000	0	20.000	100
7	Usluge dobrovoljnog, anonimnog i besplatnog savjetovanja i testiranja na HIV/AIDS	83.031	100.000	10.896	100.000	100
8	Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	167.741	250.000	42.003	250.000	100

9	Kardiologija i kardiohirurgija u FBiH	38.710.780	35.000.000	6.082.169	39.000.000	111
10	Neurohirurgija u FBiH	4.479.063	4.000.000	602.323	4.000.000	100
11	Ortopedija i traumatologija	480.581	500.000	62.990	500.000	100
12	Torakohirurgija	407.752	400.000	65.678	400.000	100
13	Transplantacija (priprema za transplantaciju sa transplantacijom jetre, bubrega, koštane srži, rožnice)	2.732.311	2.500.000	367.091	2.500.000	100
14	Nuklearna medicina - visokodozna terapija karcinoma štitnjače radioaktivnim jodom J-132	230.934	250.000	20.974	250.000	100
15	Terapija bolnih koštanih metastaza				0	
16	Usluge PET/CT za djecu do navršenih 18 godina starosti	4.688	10.000	0	10.000	100
17	Vaskularna hirurgija	4.551.331	4.500.000	535.833	4.500.000	100
18	Najsloženiji oblici zdravstvene zaštite iz oblasti urologije (inplantacija vještačkog sfinktera uretre i cistektomija sa supravezikalnom derivacijom)	150.800	140.000	23.200	140.000	100
19	Terapija hiperbaričnom komorom	50.000	50.000	0	50.000	100
II	LIJEKOVI I POTROŠNI MEDICINSKI MATERIJAL	120.369.987	106.817.000	20.136.492	117.830.000	110
20	Citostatici	68.943.857	56.787.000	11.314.898	65.450.000	115
21	Lijekovi za dijalizu	5.968.218	6.200.000	886.591	6.200.000	100
22	Potrošni materijal hronične, akutne i peritonealne dijalize	17.508.205	17.500.000	2.662.337	17.500.000	100
23	Lijekovi za liječenje oboljelih od hemofilije	9.206.738	7.850.000	799.418	7.850.000	100
24	Humani imunoglobulin	637.031	800.000	104.376	800.000	100
25	Lijekovi za liječenje oboljelih od hepatitisa B i C	2.750.275	3.500.000	1.203.521	3.500.000	100
26	Lijekovi za liječenje Multiple skleroze	6.296.918	5.500.000	1.248.720	7.300.000	133
27	Lijekovi za liječenje upalnih bolesti debelog crijeva (Chronove bolesti i ulceroznog kolitisa)	3.582.947	3.100.000	723.670	3.500.000	113
28	Lijekovi za liječenje plućne hipertenzije	202.279	250.000	13.014	250.000	100
29	Lijekovi za liječenje tuberkuloze	85.575	80.000	13.122	80.000	100
30	Antiretrovirusni lijekovi za liječenje oboljelih od HIV/AIDS	1.246.507	1.100.000	201.646	1.250.000	114
31	Program profilakse respiratornog sincicijalnog virusa (RSV) ugroženih grupa djece palivizumabom u F BiH	1.385.376	1.350.000	422.376	1.350.000	100
32	Nabavka traka i aparata za kontrolu dijabetesa	648.251	800.000	209.024	800.000	100
33	Imunosupresivni lijekovi nakon transplantacije organa	1.907.810	2.000.000	333.779	2.000.000	100
III	RASHODI NA TERET NAMJENSKIH TRANSFERA IZ BUDŽETA FBiH	2.128.315	2.000.000	210.556	2.000.000	100

34	Bolničko liječenje povratnika iz FBiH u općine u RS	2.128.315	2.000.000	210.556	2.000.000	100
IV	LIJEČENJE U INOSTRANSTVU	11.855.987	12.000.000	1.756.459	12.000.000	100
35	Program liječenja u inostranstvu	11.855.987	12.000.000	1.756.459	12.000.000	100
V	PREVENTIVNI PROGRAMI		300.000	0	0	0
36	Preventivni programi		300.000		0	0
VI	OSTALI RASHODI U FUNKCIJI PROVOĐENJA PROGRAMA SOLIDARNOSTI	213.522	395.000	29.802	369.000	93
37	Ostali rashodi u funkciji provođenja programa solidarnosti	213.522	395.000	29.802	369.000	93
VII	Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja	424.360	250.000	2.491	500.000	200
38	Refundacije troškova liječenja	424.360	250.000	2.491	500.000	200
VIII	RASHODI ZA IZVRŠENJE PROGRAMA FEDERALNE SOLIDARNOSTI (I+II+III+IV+V+VI+VII)	201.827.274	185.882.000	32.365.803	202.219.000	109
IX	TEKUĆA REZERVA		1.100.000		3.000.000	273
X	UKUPNO RASHODI I TEKUĆA REZERVA (VIII+IX)	201.827.274	186.982.000	32.365.803	205.219.000	110

U nastavku se daju obrazloženja planiranih rashoda ovim Rebalansom i to samo kod onih stavki kod kojih se planira povećanje u odnosu na planirane po Finansijskom planu za 2022. godinu.

3. Zdravstvene usluge

Rashodi zdravstvenih usluga po ovom Rebalansu povećavaju se za 5.400.000 KM i to za:

- Troškovi prevoza na dijalizu u iznosu od 1.000.000 KM,
- Radioterapija kod malignih oboljenja u iznosu od 400.000 KM i
- Kardiologija i kardiologija 4.000.000 KM.

3.1. Troškovi prevoza na dijalizu

Rashodi za finansiranje prevoza na dijalizu po Rebalansu finansijskog plana za 2022. godinu planiraju su u iznosu od 2.800.000 KM i povećani su za 1.000.000 KM u odnosu na Finansijski plan za 2022. godinu.

Povećanje sredstava za finansiranje troškova prevoza na dijalizu je planirano iz razloga planiranog povećanja cijena prevoza na dijalizu koji se finansira sredstvima fonda solidarnosti. Povećanje troškova prevoza na dijalizu je uzrokovano značajnim povećanjem cijena goriva. Trenutne cijene prevoza na dijalizu koje finansira Zavod su formirane kada su cijene goriva bile značajno niže u odnosu na trenutno stanje. Na osnovu trenutnih cijena goriva na tržištu procjena je da su na godišnjem nivou za finansiranje troškova prevoza dijaliziranih pacijenata potrebna dodatna sredstva u iznosu od 1,4 mil. KM. Uzimajući u obzir da povećanje finansiranja troškova prevoza na dijalizu neće teretiti cijelu godinu planirano je povećanje sredstava u iznosu od 1 mil. KM.

3.2. Radioterapija kod malignih oboljenja

Rashodi za program radioterapije po Rebalansu finansijskog plana za 2022. godinu planirani su u iznosu od 7.500.000 KM i povećani su za 400.000 KM u odnosu na Finansijski plan za 2022. godinu. Povećanje sredstava za radioterapiju je planirano iz razloga što će se u okviru ovog programa finansirati stereotaktičke metode u radioterapiji.

3.3. Kardiologija i kardiohirurgija

Rashodi za program kardiologije i kardiohirurgije po Rebalansu finansijskog plana za 2022. godinu, planiraju se u iznosu od 39 mil. KM i povećani su za 4 mil. KM u odnosu na Finansijski plan za 2022. godinu.

Povećanje sredstava za program kardiologije i kardiohirurgije je izvršeno zbog stalnog porasta broja pacijenata kojima je potrebna usluga iz ovog programa, kao i smanjenja liste čekanja koja je evidentirana na ovom programu. Ukupno planirana sredstva po ovom Rebalansu u iznosu od 39 mil. KM su na nivou izvršenja ovog programa u 2021. godini.

4. Lijekovi i potrošni medicinski materijal

Rashodi za lijekove i potrošni medicinski materijal po ovom Rebalansu povećavaju su za 11.013.000 KM i to za:

- lijekove za liječenje malignih oboljenja (citostatici) u iznosu od 8.663.000 KM,
- lijekove za liječenje oboljelih od multiple skleroze u iznosu od 1.800.000 KM,
- lijekove za liječenje upalnih bolesti debelog crijeva (Chronove bolesti i ulceroznog kolitisa) u iznosu od 400.000 KM,
- Antiretrovirusni lijekovi za liječenje oboljelih od HIV/AIDS u iznosu od 150.000 KM.

4.1. Citostatici

U momentu izrade Finansijskog plana fonda solidarnosti (septembar 2020.godine) procjena potrebnih finansijskih sredstava za ovu grupu lijekova je data na osnovu broja pacijenata i dosegnutih prava u momentu izrade Finansijskog plana za 2021. godinu. Zaključno sa 31.12.2021. godine rashodi ove grupe lijekova su bili veći. U skladu sa navedenim, Rebalansom finansijskog plana federalnog fonda solidarnosti za 2022. godinu rashodi za nabavku citostatika planiraju se u ukupnom iznosu od 65.450.000 KM i povećani su za 8.663.000 KM u odnosu na planirane.

4.2. Lijekovi za liječenje multiple skleroze

Rashodi za nabavku lijekova za liječenje multiple skleroze, po Rebalansu finansijskog plana federalnog fonda za 2022. godinu, planiraju se u ukupnom iznosu od 7.300.000 KM i povećani su za 1.800.000 KM u odnosu na planirane po Finansijskom planom za 2022. godinu. Povećanje planiranih rashoda je izvršeno s ciljem smanjenja liste čekanja koja je evidentirana kod ove grupe lijekova.

4.3. Lijekove za liječenje upalnih bolesti debelog crijeva (Chronove bolesti i ulceroznog kolitisa)

Rashodi za nabavku lijekova za liječenje upalnih bolesti debelog crijeva, po Rebalansu finansijskog plana federalnog fonda solidarnosti za 2022. godinu, planiraju se u ukupnom iznosu od 3.500.000 KM i povećani su za 400.000 KM u odnosu na planirane po Finansijskom planom za 2022. godinu. Povećanje rashoda za ovu grupu lijekova je izvršeno na osnovu izvršenja rashoda zaključno sa 31.12.2021. godine.

4.4. Antiretrovirusni lijekovi za liječenje oboljelih od HIV/AIDS

Rashodi za nabavku lijekova za liječenje oboljelih od HIV/AIDS-a, po Rebalansu finansijskog plana federalnog fonda solidarnosti za 2022. godinu, planiraju se u ukupnom iznosu od 1.250.000 KM i povećani su za 150.000 KM u odnosu na planirane po Finansijskom planom za 2022. godinu. Povećanje rashoda za ovu grupu lijekova je izvršeno na osnovu izvršenja rashoda zaključno sa 31.12.2021. godine.

5. Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja

Pravilnikom o dopuni Pravilnika o načinu ostvarivanja prava iz obaveznog zdravstvenog osiguranja koje je donijelo Federalno ministarstvo zdravstva („Sl.novine Federacije BiH“, br.31/02 i 20/19) utvrđeno je da osigurana lica mogu ostvariti pravo na sufinansiranje, od strane zavoda zdravstvenog osiguranja, pruženih zdravstvenih usluga i nabavke lijekova. Kriteriji, način i postupak odobravanja ovih prava utvrđen je Odlukom o sufinansiranju pruženih zdravstvenih usluga i nabavki lijekova (broj: 02/I-01-1-1572-1/19 od 23.04.2019.godine, 02/I-01-1-4108-1/19 od 26.11.2019.godine, 02/I-01-1-1198-1/20 od 08.04.2020.godine, 02/I-01-1-3472-1/20 od 17.12.2020.godine i 02/I-01-1-2963-1/21 od 29.09.2021.godine) koju je donio Upravni odbor Zavoda, a saglasno navedenom Pravilniku.

Rashodi za sufinansiranje troškova liječenja koji su u skladu sa Pravilnikom o načinu ostvarivanja prava iz obaveznog zdravstvenog osiguranja povećavaju se za 250.000 KM. Povećanje sredstava je izvršeno na osnovu prispjelih zahijeva do momenta izrade Rebalansa.

OBRAZAC IZJAVA O FISKALNOJ PROCJENI

Obrazac IFP NR

A 1. Obradivač propisa

KOD	NAZIV
2001	Federalno ministarstvo zdravstva - Zavod zdravstvenog osiguranja i reosiguranja Federacije Bosne i Hercegovine

B 2. Osnovni podaci o prijedlogu propisa

Vrsta propisa/akta	Zakon	Uredba	Odluka	Strategija	NE	NE	NE
Naziv propisa/akta	NE	NE	NE	NE	NE	NE	NE
Zaključak o prihvatanju Rebalansa finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu	NE	NE	NE	NE	NE	NE	NE

C 3. Izjava o nepostojanju dodatnih fiskalnih efekata predložene propisa

Donošenja Zaključka o prihvatanju Rebalansa finansijskog plana Zavoda zdravstvenog osiguranja i reosiguranja FBiH za 2022. godinu neće izazvati dodatne fiskalne efekte, obzirom da je u Finansijskom planu ministarstva za 2022. godinu planirani iznos transfera jednak iznosu transfera u Rebalansu finansijskog plana Zavoda.

D 4. Pečat i potpis odgovornog lica

DIREKTOR: izv.prof.dr.sc. Vlatka Martinović

Mjesto i datum

Sarajevo, 06.06.2022.

